



ČETVRTI SASTANAK PODODBORA ZA TRGOVINU, INDUSTRIJU, CARINU I OPOREZIVANJE IZMEĐU EVROPSKE UNIJE I BOSNE I HERCEGOVINE



Brisel/Sarajevo, 14. maj 2020. godine

Preporuke EU

Slobodno kretanje roba (Poglavlje 1)

1. EU poziva vlasti BiH da hitno završe postupak imenovanja članova Vijeća za mjeriteljstvo BiH.
2. EU poziva Republiku Srpsku da prestane blokirati izradu cjelodržavne strategije infrastrukture kvaliteta koja je neophodna za postizanje napretka u poglavlju *acquis*-a o slobodnom kretanju roba. EU poziva BiH da propisno primjenjuje mjerodavne zakone u izradi strategije i da koristi strukture mehanizma koordinacije za rješavanje eventualnih blokada rada.
3. EU pozdravlja široku međunarodnu saradnju u oblasti infrastrukture kvaliteta.
4. EU preporučuje da se prostudira/slijedi Plavi vodič za primjenu propisa EU-a o proizvodima koji je objavljen u Službenom listu EU na svim jezicima EU-a.

Poduzetništvo i industrijska politika (Poglavlje 20)

5. BiH se potiče da izradi cjelodržavnu industrijsku politiku i da u najvećoj mogućoj mjeri osigura sinergije između postojećih dokumenata u smislu pružanja smjernica za oporavak od posljedica pandemije COVID-19 na industriju i imajući u vidu novu industrijsku strategiju EU, koja daje dodatni poticaj za zelenu i digitalnu transformaciju, te globalnu konkurentnost. EU potiče finaliziranje i usvajanje strateškog okvira za razvoj malih i srednjih preduzeća i preduzetništva i preporučuje da BiH izradi cjelodržavne strategije u oblasti politike MSP-a i turizma.
6. EU poziva BiH da ubrza stvaranje jedinstvenog ekonomskog prostora u BiH pojednostavljenjem i usklađivanjem zahtjeva za registraciju poslovnih subjekata i da ukine zahtjev u pogledu dvostruke registracije ili osnivanja ogranka u drugom entitetu za privredne subjekte koji žele da posluju na celoj teritoriji BiH.
7. Prilikom izrade industrijske strategije, BiH treba da pokaže sposobnost saradnje između ministarstava koja su nadležna za različite segmente lanca vrijednosti, kao na primjer u djelatnostima prehrambeno-prerađivačke industrije, pakiranja, strojeva za preradu hrane i pakiranje.
8. EU je podsjetila na potrebu čvrste unutrašnje koordinacije između različitih subjekata u vezi s praćenjem, provedbom i izvještavanjem o SBA procjeni.
9. EU ponovo nudi radionicu u organizaciji TAIEX-a i tematski sastanak sa DG GROW da bi se pojasnilo kako BiH može najviše koristiti od učešća u programu COSME. EU poziva BiH da iskoristi ovu ponudu. Nacionalni koordinator za COSME se potiče da održava kontakte i bliže saraduje sa Evropskom komisijom (DG GROW) u cilju bolje provedbe i izvještavanja o programu COSME.
10. U skladu sa Zagrebačkom deklaracijom, koja poziva na produbljanje regionalne ekonomske integracije na temelju EU standarda i pravila, EU podsjeća na značaj potpune posvećenosti BiH programu inkluzivne unaprijeđene ekonomske integracije za period 2021.-2024., čiji je stup o ulaganjima posebno važan za Poglavlje 20, posebno imajući u vidu oporavak od posljedica pandemije COVID-19.

11. Provesti mjere predviđene Programom ekonomskih reformi, kao i Smjernice za politike na osnovu Ekonomskog i finansijskog dijaloga.
12. BiH se potiče da nastavi raditi na poboljšanju podataka koji se stavljaju na raspolaganje u skladu sa zahtjevima Eurostata i uspostavljanju bolje saradnje između ministarstava i statističkog ureda kako bi se pružile detaljnije informacije za kreiranje mjera industrijske i poduzetničke politike.

Oporezivanje (Poglavlje 16)

13. EU pozdravlja aktivnosti za brže uvođenje obaveze podnošenja poreskih prijava elektronskim putem (PDV i akciza).
14. BiH se potiče da osigura primjenu e-potpisa u cijeloj zemlji i da završi postupak akreditacije UIO i IDDEEA u tu svrhu, u skladu sa Zakonom o elektronskom potpisu.
15. Preporučuje se da BiH ažurira svoje propise o PDV i akcizama u skladu s najnovijim promjenama prava EU u ovim oblastima
16. EU potiče BiH da u potpunosti ispuni svoje obaveze u pogledu dobrog poreznog upravljanja i ratificira Konvenciju o uzajamnoj administrativnoj pomoći u poreznim pitanjima, te poziva BiH da deponira instrument ratifikacije u OECD ili Vijeću Evrope u narednim mjesecima. EU ponovo ističe svoju spremnost da pruži tehničku podršku BiH kako bi ona postigla napredak po ovom pitanju.
17. EU poziva BiH da prevaziđe teškoće u vezi početka primjene e-potpisa u cijeloj zemlji i da osigura interoperabilnost primjene različitih e-potpisa u zemlji. Interoperabilnost primjene e-potpisa ostaje ključno za pravilnu provedbu propisa vezano za indirektno oporezivanje, poput PDV-a i akciza, kao i Zakona o carinskoj politici.
18. EU poziva BiH da dodatno ojača, kvalitativno i kvantitativno, svoje administrativne kapacitete.

Carine (Poglavlje 29)

19. EU poziva BiH da osigura punu provedbu Zakona o carinskoj politici BiH.
20. Kao što je navedeno u odjeljku o oporezivanju, EU poziva BiH da prevaziđe teškoće u vezi početka primjene e-potpisa u cijeloj zemlji i da osigura interoperabilnost primjene različitih e-potpisa u zemlji. Interoperabilnost primjene e-potpisa ostaje ključno za pravilnu provedbu Zakona o carinskoj politici, kao i propisa vezano za indirektno oporezivanje, poput PDV-a i akciza.
21. EU poziva BiH da dodatno ojača, kvalitativno i kvantitativno, svoje administrativne kapacitete.
22. BiH se ohrabruje da nastavi nedavne aktivnosti na provedbi novog kompjuterizovanog tranzitnog sistema (NCTS). EU je pozvala BiH da zadrži predviđeni raspored za provedbu faze 5. Novog kompjuterizovanog tranzitnog sistema (NCTS).
23. BiH se ohrabruje da pristupi Protokolu STO o eliminaciji nezakonite trgovine duhanskim proizvodima.

Trgovina (Poglavlje 30)

24. EU pozitivno ocjenjuje rast bilateralne trgovine u proteklih 10 godina za 83% i činjenicu da je EU i dalje glavni trgovinski partner BiH s učešćem od 65% u ukupnom trgovinskom bilansu.
25. EU pozdravlja napore BiH u pripremi novog nacrtu Zakona o akcizama i Pravilnika u skladu s *acquis*-em kako bi se osigurali isti uvjeti za uvoznike i domaće proizvođača piva i uvele odredbe koje se odnose na male pivare (gornja granica od 200.000 hl/godišnje). Ove propise

treba usvojiti što je prije moguće kako bi se s dnevnog reda bilateralnih sastanaka skinulo ovo dugotrajno sporno pitanje.

26. EU je izrazila zabrinutost zbog prijedloga koji se razmatra u BiH da se pruži preferencijalni tretman domaćim kompanijama u javnim ugovorima. EU je podsjetila BiH da bi takav preferencijalni tretman u javnim nabavkama predstavljao kršenje SSP-a i da nije u skladu s principima industrijske politike EU.
27. EU poziva BiH da se u potpunosti posveti realizaciji trgovinskog stupa Regionalnog ekonomskog područja i da radi na tome da se detaljni plan za budućnost regionalne ekonomske integracije usvoji na jesen.
28. EU potiče BiH da provede trgovinske reformske mjere u okviru Programa ekonomskih reformi.
29. EU potiče BiH da intenzivira i zaključi otvorene bilateralne pregovore u cilju okončanja postupka pristupanja STO-u. EU je naglasila da u potpunosti podržava sve napore i spremna je da i dalje pomaže BiH u ovom procesu. Pristupanje STO-u bi pomoglo BiH da ojača trgovinu i privuče prijeko potrebna ulaganja, a to bi bio veliki korak naprijed u ekonomskoj integraciji sa regijom, sa EU i ostatkom svijeta.
